

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 017026 22 V

Novi Travnik, 01.09.2022. godine

Kantonalni sud u Novom Travniku, sutkinja Mirjana Grubešić, u vanparničnom postupku predlagatelja J. Z., sin H., nastanjenog na ..., SAD, zastupan po punomoćnici majci H. K. iz mjesta K., ... protiv protupredlagateljice Dž.Z. rođ. R., kći H., nastanjena na adresi ..., SAD, zastupana po punomoćniku Nevzetu Mulić advokatu iz Travnika, Ulica Bosanska broj 127., radi priznanja strane sudske presude o razvodu braka, dana 01.09.2022. godine, donio je sljedeće:

RJEŠENJE

Priznaje se presuda Okružnog suda Okruga St. Luis, Missouri, Sjedinjene Američke Džave, broj predmeta 11SL-DR04552 od 19.10.2011. godine, koja presuda je pravomoćna od 19.10.2011. godine, kojom se u točki 13. izreke razvodi brak zaključen dana ... godine pred Matičnim uredom Općine Travnik, Bosna i Hercegovina, između predlagatelja J.Z., rođen ... godine u mjestu D. K., Općina T., B. i H. i protupredlagateljice Dž. Z., rođena godine u mjestu K., Općina J., B.i H., upisan u matičnoj knjizi vjenčanih koja se vodi za mjesto K. pod rednim brojem ... za 1993. godinu.

Troškove postupka snosi predlagatelj.

Obrazloženje

Predlagatelj je putem punomoćnice H. K.iz K. ovom sudu dana 24.08.2022. godine podnio pismeni prijedlog za priznanje strane sudske presude o razvodu braka Okružnog suda Okruga St. Luis Missouri, Sjedinjene Američke Džave broj predmeta 11SL-DR04552 od 19.10.2011. godine, koja presuda je pravomoćna od 19.10.2011. godine, kojom je razveden brak između vanparničnih stranaka. Uz prijedlog za priznanje strane sudske presude priloženi su sljedeći dokumenti: original strana sudska odluka čije se priznanje traži, prijevod odluke od ovlaštenog sudskog tumača za engleski jezik sa područja BiH, izvod iz matične knjige vjenčanih izdat od Matičnog ureda Općine Travnik broj: 03-12-201-2368/22 od 24.08.2022. godine, original punomoći za zastupanje izdate od strane predlagatelja i protupredlagateljice kao vlastodavaca i dokaz o uplati sudske takse - uplatnica u iznosu od 200,00 KM.

Ocjenjujući osnovanost prijedloga za priznanje strane sudske presude, ovaj sud je utvrdio: da se radi o pravomoćnoj stranoj sudskoj presudi o razvodu braka između državljanina B. i H., koji je zaključen dana godine pred Matičnim uredom Općine Travnik, Bosna i Hercegovina, upisan u matičnoj knjizi vjenčanih koja se

vodi za mjesto K. pod rednim brojem ... za 1993. godinu, da su u postupku razvoda braka učestvovala obje vanparnične stranke, da odluka o razvodu braka nije protivna odredbama Ustava BiH, da se radi o statusnom sporu zbog čega se reciprocitet pretpostavlja i da nije povrijeđen međunarodni javni poredak.

Obzirom na činjenicu da su vanparnične stranke rođene u B.i H. i državljani su B. i H., da je brak između vanparničnih stranaka zaključen pred Matičnim uredom Općine Travnik, Bosna i Hercegovina i isti upisan u matičnoj knjizi vjenčanih koja se vodi za mjesto K. pod rednim brojem ... za 1993. godinu, to je očigledno da predlagatelj ima pravni interes da se nastala statusna promjena upiše kod nadležnog matičnog ureda u Bosni i Hercegovini, zbog čega je ovaj sud zaključio da je prijedlog utemeljen.

Slijedom naprijed izloženog, ovaj sud je odlučio kao u izreci ovog rješenja u skladu sa odredbama člana od 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima ("Službeni list SFRJ" broj 43/82, 72/82, "Službeni list Republike BiH" broj 02/92), koji je preuzet kao republički propis, a potom federalni i koji se primjenjuje u skladu sa članom 458. Zakona o parničnom postupku („Službene novine Federacije BiH“ broj 53/03, 73/05, 19/06 i 98/15) i članom 28. stav 3. točka e) Zakona o sudovima u Federaciji Bosne i Hercegovine ("Službene novine Federacije BiH" broj 38/05).

Na temelju Tarifnog broja 1. točka 10. i Tarifnog broja 2. stav 1. koji je sastavni dio Zakona o sudskim taksama ("Službene novine SBK/KSB" broj 4/2017 i 15/20), predlagatelj je dana 24.08.2022. godine uplatila sudsku taksu u iznosu od 200,00 KM.

Sutkinja
Mirjana Grubešić